

Na osnovu člana 16. stav (4) Zakona o naučnoistraživačkom radu („Službene novine Tuzlanskog kantona“, broj: 14/18, 8/21, 16/22, 9/23, 3/24, 2/25 i 18/25), člana 79. stav (2) Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25), i Odluke o utvrđivanju programa iz oblasti naučnoistraživačkog rada i tehnološkog razvoja koji će se finansirati ili sufinansirati iz Budžeta Tuzlanskog kantona za 2026. godinu (broj: 10/1-35-000670-3/26 od 17.3.2026. godine), ministar obrazovanja i nauke Tuzlanskog kantona uz prethodnu saglasnost Vlade Tuzlanskog kantona, broj: 02/1-35-670-6/26 od 17.3.2026. godine, donosi

O D L U K U
o utvrđivanju uvjeta, kriterija i postupka dodjele sredstava za program promocija i popularizacija nauke

I – OPĆE ODREDBE

Član 1.
(Predmet)

Ovom odlukom utvrđuju se uvjeti, kriteriji i postupak dodjele sredstava iz Budžeta Tuzlanskog kantona za sufinansiranje programa promocija i popularizacija nauke.

Član 2.
(Finansijska sredstva)

(1) Sredstva za sufinansiranje programa promocija i popularizacija nauke osiguravaju se u Budžetu Tuzlanskog kantona za 2026. godinu na poziciji „24010019 – Nauka“.

(2) Prilikom raspodjele sredstava iz stava (1) ovog člana uzet će se u obzir potrebe i interesi naučnoistraživačkog razvoja Tuzlanskog kantona, potrebe i interesi naučnoistraživačkog razvoja univerziteta i drugih naučnoistraživačkih ustanova, kao i razvoj naučnoistraživačke djelatnosti, a u skladu sa Strategijom razvoja Federacije Bosne i Hercegovine 2021.-2027. godine, Strategijom razvoja Tuzlanskog kantona za period 2021.-2027. godina, te drugim sektorskim strategijama i strategijama razvoja lokalnih zajednica na području Tuzlanskog kantona, kao i drugim strateškim dokumentima na državnom i međunarodnom nivou.

(3) Za sufinansiranje programa iz stava (1) ovog člana za 2026. godinu odobrit će se sredstva u iznosu od 80.000,00 KM, i to za promociju i popularizaciju nauke i tehnologije putem medija sredstva u iznosu od 60.000,00 KM, za promociju i popularizaciju nauke i tehnologije kroz aktivnosti naučnoistraživačkih organizacija sredstva u iznosu od 20.000,00 KM.

II – UVJETI I KRITERIJI ZA DODJELU SREDSTAVA

Član 3.
(Uvjeti za sufinansiranje promocije i popularizacije nauke i tehnologije putem medija)

(1) Za sufinansiranje troškova promocije i popularizacije nauke i tehnologije putem medija po pojedinačnom zahtjevu mogu se odobriti sredstva u najvišem iznosu do 6.000,00 KM.

(2) Uvjeti za sufinansiranje troškova promocije i popularizacije nauke i tehnologije putem medija su:

- a) da su registrovani, imaju sjedište i djeluju na području Tuzlanskog kantona ili imaju stalnog dopisnika sa područja Tuzlanskog kantona,

- b) da posjeduju dozvolu za rad Regulatorne agencije za komunikacije Bosne i Hercegovine (odnosi se na radio i televizijske stanice),
- c) da raspolazu tehničkim, prostornim i kadrovskim potencijalom za pružanje medijskih usluga,
- d) da imaju izmirene zakonske obaveze po osnovu poreza i doprinosa, zaključno sa 31. decembrom 2025. godine,
- e) da dostavljeni programski sadržaj, sa akcentom na Tuzlanski kanton, obrađuje najmanje jednu od slijedećih aktivnosti:
 - praćenje aktivnosti naučnoistraživačkih organizacija u Tuzlanskom kantonu,
 - podsticanje mladih nadarenih za naučnoistraživački rad,
 - afirmacija nauke i tehnologije,
 - praćenje realizacije naučnoistraživačkih i istraživačko-razvojnih projekata finansiranih od strane Ministarstva,
 - praćenje naučnih skupova i drugih naučnih događaja finansiranih od strane Ministarstva,
 - obilježavanje Dana nauke u Federaciji Bosne i Hercegovine (12. decembar).

(3) Kriteriji za sufinansiranje promocije i popularizacije nauke i tehnologije su:

- a) kvalitet dostavljenog programskog projekta,
 - narativno pojašnjenje u svrhu provjere realnosti budžeta do 5 bodova,
 - relevantnost programskog projekta u odnosu na namjenu sredstava do 5 bodova,
 - da li programski projekat omogućava ostvarivanje očekivanih rezultata, do 5 bodova,
 - kapacitet organizacije da provede programski projekat do 5 bodova,
 - broj predstavljenih tematskih oblasti kroz dostavljeni programski projekat, maksimalno 5 bodova,
- b) doseg subjekta aplikanta
 - broj pratilaca osnovnog službenog profila na društvenim mrežama (facebook, instagram), broj posjeta za veb portale ili slušanost/gledanost radija/televizije do 10 bodova,
 - kvalitet i uspješnost ranije realiziranih projekata, finansiranih ili sufinansiranih od strane Vlade Tuzlanskog kantona do 5 bodova,
- c) Datum emitiranja emisije ili priloga/štampanje članka
 - bilo koji mjesec u godini osim decembra 1 bod,
 - decembar, izuzev 12.12., 3 boda,
 - 12. decemba, na Dan nauke u Federaciji Bosne i Hercegovine, 5 bodova.

(4) Jedan predlagač može kandidovati najviše dva programska projekta.

(5) Uz popunjeni prijavni obrazac za sufinansiranje promocije i popularizacije nauke i tehnologije putem medija (Aneks I) potrebno je priložiti:

- a) Rješenje o upisu u registar pravnih lica i Rješenje o razvrstavanju djelatnosti (originali ili ovjerene kopije),
- b) Ugovor o radu, rješenje ili drugi pravni akt kojim se dokazuje radni angažman dopisnika na području Tuzlanskog kantona sa PBA3 obrascem dopisnika, te dokaz iz Porezne uprave FBiH da je dopisnik u radnom odnosu najmanje 30 dana prije raspisivanja javnog poziva,
- c) Uvjerjenje o poreznoj registraciji i spesimen potpisa (original ili ovjerena kopija),
- d) Programski projekat (emisije ili ciklus emisija, odnosno novinskih ili internet članaka) sa kojima se aplicira na javni poziv, sa kratkim opisom sadržaja i načina realizacije i utvrđenom dinamikom i planom emitovanja – štampanja,

- e) Finansijski plan predloženog programskog/ih projekta/projekata, sa specifikacijom troškova (izrada, emitovanje, objavljivanje/izdavanje) i visinom sredstava koja se potražuju od Vlade Tuzlanskog kantona,
- f) Dokaz o izmirenim obavezama po osnovu poreza i doprinosa:
- g) Uvjerjenje nadležne poreske uprave ili potvrda nadležne poreske uprave o zaključenom sporazumu o plaćanju dužnih javnih prihoda u ratama (original ili ovjerena kopija)
- h) Uvjerjenje uprave za indirektno oporezivanje (original ili ovjerena kopija),
- i) Izjavu ovlaštenog lica o organizaciji rada medija, broju zaposlenih, području koje medij pokriva, tehničkoj opremljenosti, obimu i strukturi vlastite produkcije, redovnom tiražu (odnosi se na štampane medije), gledanosti/slušanosti i posjećenosti, te broju pratilaca na društvenim mrežama, i
- j) Ovjerenu kopiju važeće dozvole RAK-a za emitovanje (za radio i televizijske stanice).

Član 4.

(Uvjeti za sufinansiranje promocije i popularizacije nauke i tehnologije kroz aktivnosti naučnoistraživačkih organizacija)

(1) Za sufinansiranje troškova promocije i popularizacije nauke i tehnologije kroz aktivnosti naučnoistraživačkih organizacija po pojedinačnom zahtjevu mogu se odobriti sredstva u najvišem iznosu do 5.000,00 KM.

(2) Uvjeti za sufinansiranje troškova promocije i popularizacije nauke i tehnologije kroz aktivnosti naučnoistraživačkih organizacija su:

- a) da je podnosilac projekta upisan u Registar naučnoistraživačkih organizacija koji se vodi u Ministarstvu obrazovanja i nauke Tuzlanskog kantona (u daljem tekstu: Registar naučnoistraživačkih organizacija) zaključno sa danom objave javnog poziva,
- b) da aktivnosti koje se sufinansiraju moraju biti realizirane na području Tuzlanskog kantona,
- c) da su aktivnosti isključivo promotivnog, edukativnog i javno dostupnog karaktera,
- d) da je obezbijedeno vlastito učešće ili učešće drugih izvora finansiranja u iznosu od minimalno 10%,
- e) da aktivnosti nisu u cjelosti finansirane iz drugih izvora,
- f) da podnosilac zahtjeva ima organizacione i kadrovske kapacitete za realizaciju aktivnosti.

(3) Sredstva se mogu dodijeliti za aktivnosti koje imaju za cilj promociju i popularizaciju nauke i tehnologije, a naročito za:

- a) javna predavanja, tribine, panel-diskusije i radionice,
- b) dane otvorenih vrata laboratorija, instituta i centara,
- c) programe namijenjene djeci i mladima,
- d) festivale nauke, sajmove i slične javne manifestacije,
- e) izradu i distribuciju popularno-naučnih publikacija i multimedijalnih sadržaja,
- f) druge javne i edukativne aktivnosti usmjerene na afirmaciju nauke i tehnologije.

(4) Kriteriji za bodovanje predloženih aktivnosti su:

- a) kvalitet i relevantnost prijave (maksimalno 30 bodova):

– jasno definisan cilj programa/projekta	6 bodova
– jasno definisana ciljna grupa	6 bodova
– jasno opisan sadržaj i planirane aktivnosti	6 bodova
– logička povezanost cilja, aktivnosti i očekivanih rezultata	6 bodova
– usklađenost prijave sa svrhom programa promocije i popularizacije nauke	6 bodova

- b) organizacijski i kapacitet podnosioca prijave (maksimalno 10 bodova)
 - jasno definisana organizaciona struktura za provođenje programa/projekta 5 bodova
 - dokaziva stručnost i iskustvo angažovanih lica relevantna za planirane aktivnosti 5 bodova
- c) dosadašnje iskustvo podnosioca prijave (maksimalno 10 bodova):
 - za svaku promotivnu aktivnost u oblasti nauke u posljednje tri godine po 2 boda
- d) uticaj programa ili projekta (maksimalno 30 bodova):
 - jasno opisane promjene koje se očekuju kod ciljne grupe 5 bodova
 - za svaku obuhvaćenu ciljnu grupu po 3 boda, maksimalno 15 bodova
 - uključenost djece i mladih 5 bodova
 - mogućnost ponavljanja, nastavka ili širenja efekata 5 bodova
- e) budžet programa ili projekta (maksimalno 15 bodova):
 - jasno povezani troškovi sa konkretnim aktivnostima i planiranim rezultatima 5 bodova
 - jasno razdvojeni i obrazloženi direktni i indirektni troškovi 5 bodova
 - identifikovani rizici i mogući problemi u provedbi sa mjerama ublažavanja 5 bodova
- f) aktivnosti vezane za obilježavanje Dana nauke u Federaciji Bosne i Hercegovine 5 bodova.

(5) Maksimalan broj bodova koje program/projekat može ostvariti je 100, a Ministarstvo neće sufinansirati aktivnosti koje ostvare manje od 50 bodova po kriterijima iz stava (4) ovog člana.

(6) Uz popunjen prijavni obrazac na javni poziv za sufinansiranje programa ili projekata promocije i popularizacije nauke kroz aktivnosti naučnoistraživačkih organizacija (Aneks II) podnosilac prijave obavezan je dostaviti sljedeću dokumentaciju:

- a) rješenje o upisu u Registar naučnoistraživačkih organizacija (ako je primjenjivo).
- b) opis programa ili projekta (cilj, ciljna grupa, sadržaj i planirane aktivnosti).
- c) plan realizacije programa ili projekta sa okvirnom dinamikom.
- d) opis organizacijske strukture i angažovanih lica na realizaciji programa ili projekta.
- e) pregled relevantnog iskustva podnosioca prijave u provođenju istih ili sličnih programa ili projekata u posljednje tri godine.
- f) budžet programa ili projekta sa jasno razdvojenim direktnim i indirektnim troškovima.
- g) obrazloženje povezanosti planiranih troškova sa aktivnostima i očekivanim rezultatima.
- h) informaciju o izvorima finansiranja, uključujući vlastita sredstva i sredstva drugih donatora (sufinansiranje).
- i) opis rizika i mogućih problema u provedbi programa ili projekta, sa predloženim mjerama ublažavanja.
- j) izjavu odgovornog lica o tačnosti podataka i namjenskom korištenju sredstava.

III – POSTUPAK DODJELE SREDSTAVA

Član 5.

(Raspisivanje javnog poziva)

- (1) Sredstva iz člana 2. ove Odluke dodijelit će se putem javnog poziva.
- (2) Odluku o raspisivanju javnog poziva za raspodjelu planiranih budžetskih sredstava sa budžetske pozicije 24010019 - "Nauka" za program promocije i popularizacije nauke donosi Ministarstvo.
- (3) Tekst javnog poziva utvrđuje Ministarstvo.
- (4) Tekst javnog poziva se objavljuje na zvaničnoj veb stranici Ministarstva, od kada počinje teći rok za predaju dokumentacije.

(5) Javni poziv iz stava (4) ovog člana informativno se objavljuje i na veb stranici Vlade Kantona, ali objava na veb stranici Vlade Kantona ne utiče na tok trajanja roka za predaju dokumentacije.

(6) Javni poziv ostaje otvoren 15 dana od dana objavljivanja na veb stranici Ministarstva.

Član 6.

(Prijava na javni poziv)

(1) Prijave na javni poziv sa potrebnom dokumentacijom podnose se Ministarstvu u roku utvrđenom tekstom Javnog poziva.

(2) Prijava na javni poziv se vrši putem odgovarajućeg prijavnog obrasca, koji se može preuzeti na veb stranici Ministarstva.

(3) Kandidat je uz popunjen prijavni obrazac obavezan dostaviti i dokumentaciju propisanu članom 3. ili 4. ove Odluke.

Član 7.

(Imenovanje i sastav komisije)

(1) Proceduru po javnom pozivu provodi komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 15 dana od dana isteka roka za podnošenje prijave na javni poziv.

(2) Komisija za provođenje procedure po javnom pozivu ima pet članova, od čega su dva predstavnika Ministarstva i tri predstavnika registrovanih naučnoistraživačkih organizacija, koje predlaže Kantonalni savjet za nauku i tehnologiju.

(3) Komisija za svoj rad odgovara ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.

(5) Članovi Komisije prije početka rada potpisuju izjavu o povjerljivosti podataka.

(6) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od kriterija, utvrditi konačan broj bodova po svim kriterijima, te predložiti iznos sredstava za dodjelu i najkasnije u roku od 30 dana od dana isteka roka za podnošenje prijave na javni poziv sačiniti jedinstvenu rang listu i istu objaviti na veb stranici Ministarstva.

(7) Rang lista kandidata obavezno sadrži:

a) osnovne podatke o aplikantu,

b) broj bodova po svakom od utvrđenih kriterija,

c) ukupan broj bodova po svim kriterijima,

d) predloženi iznos sredstava za dodjelu i

e) pouku o pravnom lijeku sa tačno naznačenim rokom za ulaganje prigovora.

(8) Neblagovremene i nepotpune prijave Komisija neće uzimati u razmatranje, a aplikanti se o istom obavještavaju sačinjavanjem posebne liste.

Član 8.

(Postupak po prigovoru i donošenje konačne rang liste)

(1) Na liste iz člana 7. stavovi (6) i (8) ove odluke, nezadovoljni kandidati mogu podnijeti prigovor u roku od osam dana od dana objavljivanja listi na veb stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 8 dana od dana isteka roka za podnošenje prigovora.

(4) Nakon okončanja postupka po prigovorima ministar utvrđuje konačnu rang listu dobitnika sredstava, i istu objavljuje na veb stranici Ministarstva.

(5) Na osnovu rang liste iz stava (4) ovog člana ministar donosi Program raspodjele sredstava, uz saglasnost Vlade Kantona.

(6) Na osnovu programa iz stava (5) ovog člana ministar donosi pojedinačne odluke o odobravanju sredstava, u skladu sa operativnim sredstvima u Budžetu Tuzlanskog kantona za 2026. godinu na budžetskoj poziciji 24010019- Nauka.

(7) Na osnovu odluka iz stava (6) ovog člana Ministarstvo i dobitnici sredstava potpisuju ugovor o ostvarivanju projekata kojim se regulišu međusobna prava i obaveze.

(8) Svi aplikanti kojima su dodijeljena sredstva su obavezni da u svojim promotivnim i drugim projektnim materijalima namijenjenim javnosti, kao i u medijskim istupima, navedu da su projekti finansirani od strane Ministarstva obrazovanja i nauke Tuzlanskog kantona iz programa „Nauka“.

(9) Svi projekti koji budu odobreni u okviru programa „Nauka“ i realizirani u decembru 2026. godine smatrat će se integralnim dijelom programa obilježavanja Dana nauke u Federaciji Bosne i Hercegovine, te su aplikanti kojima budu dodijeljena sredstva obavezni da to navedu u svojim promotivnim i drugim projektnim materijalima namijenjenim javnosti, kao i u medijskim istupima, te o tome informiraju Ministarstvo.

Član 9.

(Izveštavanje o realizaciji projekta)

(1) Korisnik sredstava obavezan je da po završetku realizacije projekta Ministarstvu obrazovanja i nauke Tuzlanskog kantona dostavi:

- a) finansijski izvještaj o utrošku dodijeljenih sredstava, i
- b) narativni izvještaj o realizaciji projekta.

(2) Finansijski izvještaj se podnosi u posljednjem mjesecu trajanja projekta na posebnom obrascu koji je sastavni dio ove Odluke (Aneks III).

(3) Narativni izvještaj sadrži opis realizovanih aktivnosti u odnosu na plan, ostvarene rezultate i efekte, obuhvat ciljnih grupa, opravdanost i povezanost utrošenih sredstava sa realizovanim aktivnostima, uočene probleme i rizike tokom realizacije, zaključnu ocjenu realizacije programa ili projekta, i podnosi se na posebnom obrascu koji je sastavni dio ove Odluke (Aneks IV)

(4) Narativni izvještaj služi kao osnov za vrednovanje uspješnosti realizacije projekta i predstavlja sastavni dio dokumentacije o izvršenju ugovora.

(5) Nedostavljanje ili neblagovremeno dostavljanje izvještaja iz stava (1) ovog člana smatra se neispunjavanjem ugovornih obaveza i može biti osnov za djelimični ili potpuni povrat dodijeljenih sredstava, u zavisnosti od stepena realizacije projekta, a u skladu sa ugovorom.

(6) Ministarstvo može koristiti podatke iz finansijskih i narativnih izvještaja za izradu zbirnih analiza, izvještaja o realizaciji programa i unapređenje politike finansiranja naučnoistraživačke djelatnosti.

Član 10.

(Stupanje na snagu)

Odluka stupa na snagu danom davanja saglasnosti Vlade Kantona, važi za 2026. godinu, i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: _____
Tuzla, _____ godine

MINISTAR

Dr. sc. Ahmed Omerović

Aneks I – Prijavni obrazac

PRIJAVNI OBRAZAC

PROGRAM: PROMOCIJA I POPULARIZACIJA NAUKE – Promocija i popularizacija nauke putem medija

Naziv projekta:	
Traženi iznos sredstava:	
Iznos sredstava obezbijedenih iz drugih izvora:	
Ukupna vrijednost projekta:	

1. PODACI O APLIKANTU

Naziv medija:	
Pravni oblik:	
Adresa:	
Ime i prezime odgovornog lica:	
Broj telefona:	
Internet adresa:	
E-mail adresa:	
Kontakt osoba za instituciju:	

2. OSNOVNI PODACI O PROGRAMSKOM PROJEKTU

Naziv programskog projekta:	
Vrsta medija (TV/radio/štampani/internet):	
Period realizacije:	
Planirani termini emitovanja/objavljivanja:	

3. OPIS PROGRAMSKOG PROJEKTA:

Cilj programskog projekta:	
Ciljna grupa:	

Opis sadržaja i tema koje će se obrađivati:	
Planirani broj emisija/priloga/članaka:	

4. RELEVANTNOST I OČEKIVANI REZULTATI

Način na koji programski projekat doprinosi promociji i popularizaciji nauke i tehnologije:	
Očekivani rezultati i efekti:	

5. ORGANIZACIONI I KADROVSKI KAPACITETI

Opis organizacije rada i produkcijskog tima:	
Iskustvo medija u realizaciji sličnih programskih projekata:	

ZA INSTITUCIJU

M.P.

Uz popunjeni prijavni obrazac za sufinansiranje promocije i popularizacije nauke i tehnologije putem medija potrebno je priložiti:

- Rješenje o upisu u registar pravnih lica i Rješenje o razvrstavanju djelatnosti (originali ili ovjerene kopije),
- Ugovor o radu, rješenje ili drugi pravni akt kojim se dokazuje radni angažman dopisnika na području Tuzlanskog kantona sa PBA3 obrascem dopisnika, te dokaz iz Porezne uprave FBiH da je dopisnik u radnom odnosu najmanje 30 dana prije raspisivanja javnog poziva,
- Uvjerjenje o poreznoj registraciji i spesimen potpisa (original ili ovjerena kopija),
- Programski projekat (emisije ili ciklus emisija, odnosno novinskih ili internet članaka) sa kojima se aplicira na javni poziv, sa kratkim opisom sadržaja i načina realizacije i utvrđenom dinamikom i planom emitovanja – štampanja,
- Finansijski plan predloženog programskog/ih projekta/projekata, sa specifikacijom troškova (izrada, emitovanje, objavljivanje/izdavanje) i visinom sredstava koja se potražuju od Vlade Tuzlanskog kantona,
- Dokaz o izmirenim obavezama po osnovu poreza i doprinosa:
- Uvjerjenje nadležne poreske uprave ili potvrda nadležne poreske uprave o zaključenom sporazumu o plaćanju dužnih javnih prihoda u ratama (orginal ili ovjerena kopija)
- Uvjerjenje uprave za indirektno oporezivanje (original ili ovjerena kopija),
- Izjavu ovlaštenog lica o organizaciji rada medija, broju zaposlenih, području koje medij pokriva, tehničkoj opremljenosti, obimu i strukturi vlastite produkcije, redovnom tiražu (odnosi se na štampane medije), gledanosti/slušanosti i posjećenosti, te broju pratilaca na društvenim mrežama, i
- Ovjerenu kopiju važeće dozvole RAK-a za emitovanje (za radio i televizijske stanice).

Aneks II – Prijavni obrazac

PRIJAVNI OBRAZAC

PROGRAM: PROMOCIJA I POPULARIZACIJA NAUKE – Promocija i popularizacija nauke kroz aktivnosti naučnoistraživačkih organizacija

Naziv projekta:	
Traženi iznos sredstava:	
Iznos sredstava obezbijedenih iz drugih izvora:	
Ukupna vrijednost projekta:	

6. PODACI O APLIKANTU

Naziv podnosioca prijave:	
Adresa:	
Ime i prezime odgovornog lica:	
Broj telefona/telefaksa:	
Internet adresa:	
E-mail adresa:	
Kontakt osoba za instituciju:	

7. PODACI O PROJEKTU

Naziv programa/projekta:	
Trajanje programa/projekta (u mjesecima):	
Područje realizacije:	

8. SADRŽAJ PROGRAMA/PROJEKTA:

Cilj programa/projekta:	
Ciljna grupa:	
Opis sadržaja i planiranih aktivnosti:	

Očekivani rezultati:	
----------------------	--

9. ORGANIZACIJSKI I FINANSIJSKI KAPACITET:

Opis organizacijske strukture:	
Opis stručnosti i iskustva angažovanih lica:	
Prethodno iskustvo u provođenju istih ili sličnih programa/projekata:	

10. UTICAJ PROGRAMA/PROJEKTA

Očekivane promjene i efekti:	
Obuhvat ciljnih grupa:	
Mogućnost nastavka ili širenja efekata:	

ZA INSTITUCIJU

M.P.

Uz popunjen prijavni obrazac na javni poziv za sufinansiranje programa ili projekata promocije i popularizacije nauke, podnosilac prijave obavezan je dostaviti sljedeću dokumentaciju:

- rješenje o upisu u Registar naučnoistraživačkih organizacija (ako je primjenjivo).
- opis programa ili projekta (cilj, ciljna grupa, sadržaj i planirane aktivnosti).
- plan realizacije programa ili projekta sa okvirnom dinamikom.
- opis organizacijske strukture i angažovanih lica na realizaciji programa ili projekta.
- pregled relevantnog iskustva podnosioca prijave u provođenju istih ili sličnih programa ili projekata u posljednje tri godine.
- budžet programa ili projekta sa jasno razdvojenim direktnim i indirektnim troškovima.
- obrazloženje povezanosti planiranih troškova sa aktivnostima i očekivanim rezultatima.
- informaciju o izvorima finansiranja, uključujući vlastita sredstva i sredstva drugih donatora (sufinansiranje).
- opis rizika i mogućih problema u provedbi programa ili projekta, sa predloženim mjerama ublažavanja.
- izjavu odgovornog lica o tačnosti podataka i namjenskom korištenju sredstava.

Aneks III – Obrazac finansijskog izvještaja

FINANSIJSKI IZVJEŠTAJ
o utrošku sredstava dodijeljenih po javnom pozivu za Nauku

Korisnik sredstava	
Kontakt podaci	
Svrha dodjele sredstava	
Broj Odluke o dodjeli sredstava	
Odobrena sredstva	
Utrošena sredstva	
Vlastito učešće	
Sredstva drugih donatora	
Datum uplate sredstava na račun	

Mjesto i datum:

M.P.

Potpis ovlaštene osobe:

NAPOMENA:

Uz finansijski izvještaj kao dokaz o namjenskom utrošku sredstava obavezno priložiti:

- Fiskalne račune i odgovarajući račun A4 formata (potpisan od strane ovlaštene osobe i ovjeren pečatom) o kupovini roba ili pruženih usluga, (potrošnog materijala ili literature, promotivnih materijala, kopiranje, skeniranje i umnožavanje materijala i sl.)
- Dokaz da su računi plaćeni (kopije uplatnice/virmana ili izvod iz banke iz kojih je vidljivo da su obaveze za nabavljenu robu odnosno izvršenu uslugu plaćene)
- Za troškove putovanja kopiju ovjerenog putnog naloga sa priložima (avio/autobusne karte, obračun putnih troškova i fiskalni račun za sipanje goriva, račun za plaćeni smještaj, izvod iz banke gdje je vidljivo da je plaćanje izvršeno)
- Ugovore o djelu za učesnike projekta
- Dokaz da su honorari sa odgovarajućim porezima za učesnike projekta isplaćeni (kopije platnih lista, obrazac AUG-1031)

Pregled planiranih i ostvarenih troškova prilikom realizacije projekta

Rb.	Vrste troškova	Planirana/Odobrena sredstva (KM)	Utrošena sredstva (KM)	Razlika*
1				
2				
3				
4				
5				
6				
7				
8				
9				
10				
	Ukupno:			
Neutrošena sredstva (KM)**:				

* U slučaju razlike za svaku stavku priložiti posebno obrazloženje i dokaze

** Ukoliko postoje neutrošena sredstva izvršiti povrat na:

Transakcijski račun Budžeta Tuzlanskog kantona broj: 1321000309441357

Šifra prihoda: 000000

Općina: 000

Sa naznakom povrat neutrošenih sredstava po Odluci o odobravanju sredstava broj: (navesti broj i datum odluke)

Dokaz o izvršenoj uplati dostaviti na adresu: Ministarstvo obrazovanja i nauke, Muhameda Hevajja Uskufija 1

Aneks IV – Obrazac narativnog izvještaja

NARATIVNI IZVJEŠTAJ O REALIZACIJI PROGRAMA/PROJEKTA PROMOCIJE I POPULARIZACIJE NAUKE

I. OPĆI PODACI

Naziv projekta:

Program: Promocija i popularizacija nauke

Broj i datum ugovora:

Naziv institucije – nosioca projekta:

Ime i prezime voditelja projekta:

Period realizacije projekta (od – do):

Ukupna vrijednost projekta:

Iznos sredstava dodijeljenih od Ministarstva:

Iznos sredstava iz drugih izvora:

II. REALIZACIJA AKTIVNOSTI

Kratak opis realizovanih aktivnosti u odnosu na plan

(navesti da li su aktivnosti realizovane u skladu s planom i obrazložiti eventualna odstupanja)

III. OSTVARENI REZULTATI I EFEKTI

Ostvareni rezultati u odnosu na planirane rezultate iz prijave:

(navesti da li su ostvareni očekivani rezultati i efekti i obrazložiti eventualna odstupanja)

IV. OBUHVAT CILJNIH GRUPA

Broj i struktura obuhvaćenih ciljnih grupa:

V. OPRAVDANOST UTROŠENIH SREDSTAVA

Opravidanost i povezanost utrošenih sredstava sa realizovanim aktivnostima:

VI. PROBLEMI I RIZICI

Uočeni problemi i rizici tokom realizacije:

VII. ZAKLJUČNA OCJENA REALIZACIJE PROGRAMA ILI PROJEKTA

Kratka završna ocjena realizacije projekta, s osvrtom na ostvarene ciljeve i značaj projekta.

Ime i prezime odgovornog lica:

Potpis:

Datum:

Pečat institucije: